

Саҳиҳул Бухорийнинг муҳтасари / ВАҲИЙНИНГ БОШЛАНИШИ КИТОБИ / 143-ҳадис

2946-143 - عَنْ أَبِي هُرَيْرَةَ رَضِيَ اللَّهُ تَعَالَى عَنْهُ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «أُمِرْتُ أَنْ أُفَاتِلَ النَّاسَ حَتَّى يَقُولُوا: لَا إِلَهَ إِلَّا اللَّهُ.. فَقَدْ عَصَمَ مِنِّي نَفْسَهُ وَمَا لَهُ إِلَّا بِحَقِّهِ، وَحِسَابُهُ عَلَى اللَّهِ».

143- 2946. Абу Ҳурайра розияллоҳу анҳу айтади:

«Расулуллоҳ соллаллоҳу алайҳи васаллам: «Аллоҳдан ўзга илоҳ йўқ», деб айтмагунларича, одамларга қарши жанг қилишга буюрилдим. Ким «Аллоҳдан ўзга илоҳ йўқ» деса, молу жонини мендан асрабди. (Шаръий) ҳаққи бўлса, мустасно. Ҳисоб-китоби эса Аллоҳнинг зиммасида», дедилар».

Изоҳ: Расули Акрам соллаллоҳу алайҳи васалламнинг «буюрилдим», деганлари «Аллоҳ менга амр қилди», маъносида бўлади. Чунки у зотга Аллоҳдан бошқа амр қиласидиган йўқ. «Одамлар», деганлари эса, қўпчилик уламоларнинг иттифоқ қилишларича, Ҳарамайн ҳудудида яшовчи бутпараст-мушрикларни билдиради. Имом Насойй қилган ривоятда: «Мушриклар билан уруш қилишга амр қилиндим», дейилган. Шунингдек, аҳли китоблар Қуръон ҳукмига кўра жизя берсалар, улар билан уруш қилинмаслиги хам маълум ва машхур. Демак, бу ҳадисдаги «одамлар» сўзидан ҳар қандай одам тушунилавермас экан.

Манба: hadis.islom.uz



